



REPUBLIKA E SHQIPËRISË

BASHKIA VLORE  
DREJTORIA E PËRGJITHSHME RREGULLATORE  
DREJTORIA E BASHKËQEVERISJES

Nr. 14057 prot.

Vlorë, më 27.08.2025

### PROCESVERBAL KONSULTIMI PUBLIK

#### RAJONI 1

DATË 11.08.2025 ORA 17:00

**Tema: Konsultimi i Buxhetit Afatmesëm 2026-2028 dhe planifikimi për projekt buxhetin e vitit 2026 për Bashkinë Vlorë.**

**Baza ligjore:** Në zbatim të ligjit nr.139/2015 “Për vetëqeverisjen vendore” neni 18; ligjit nr.119/2014 “Për të drejtën e informimit”, ligjit nr.146/2014 “Për njoftimin dhe konsultimin publik” pika 1 dhe 2 neni 5, pika 1,2,3 neni 52; Rregullores e Organizimit dhe Funksionimit të Bashkisë; si dhe Kalendarit të Konsultimit Publik nr.12237 prot, datë 23.07.2025.

**Marrin pjesë:**

*Kryetar i Bashkisë Vlorë z. Ermal Dredha, Kryetarja e Këshillit Bashkiak Vlorë-znj. Elpiniqi Mërkuri, Nënkyetarja e Bashkisë – znj. Irena Toshkallari, Nënkyetarja e Bashkisë – znj. Klea Lalo, Kryetari i Rajonit z.Skerdilaid Hunda, Sekretar i Këshillit Bashkiak – z. Daut Zeraj, Drejtor i Financës – z. Hiqmet Haxha, anëtar të këshillit bashkiak, drjtorë të Administratës së bashkisë Vlorë, përfaqësues nga komuniteti, përfaqësues nga biznesi.*

( Në takim marrin pjesë më shumë se 20 persona, listëprezenca bashkangjitur)

**Takimin e hapi Kryetari i Bashkisë Vlorë-z. Ermal Dredha:** Ju uroj shëndet të gjithëve dhe ju falenderoj për praninë tuaj në këtë takim konsultativ.Ky proces do të zhvillohet në dy faza, me qëllim që të identifikojmë problematikat aktuale dhe të kuptojmë më mirë nevojat e komunitetit, në mënyrë që ato të pasqyrohen sa më drejt në buxhetin e vitit 2026. Fillimisht, do të paraqes disa nga projektet që Bashkia Vlorë ka parashikuar për këtë vit, dhe më pas do të ndalemi të çështjet dhe sugjerimet që vijnë nga komuniteti Një nga projektet kryesore është rikonstruksioni i shkollës “4 Heronjtë”, i cili është përfshirë tashmë në buxhet. Aktualisht po përgatitet ndërhyrja në fushat e shkollës, ndërsa objekti i shkollës do të kalojë së shpejti në procedurë tenderimi. Ky është një projekt me vlerë mbi 2 milion euro. Gjithashtu, kemi parashikuar mobilimin e shkollës, me një vlerë prej 70 milion lekësh të vjetra, për të pajisur 120 klasa. Një tjetër ndërhyrje është rialokimi i fondeve për rikonstruksionin e rrugës së Kuzum

Babasë, duke nisur nga zona e Mesaplikut dhe në drejtim të anës tjetër të rrugës. Po ashtu, është parashikuar edhe rikonstruksioni i shkallëve të Kuzum Babasë, që aktualisht ndodhen në procedurë tenderimi. Ndërkohë, ka nisur edhe investimi për rikonstruksionin e një pjese të rrugës pranë ish-Fabrikës së Çimentos. Sa i përket hapësirave publike, bashkia ka hartuar një listë të gjerë objektesh për t'u prishur, në bashkëpunim me IMT dhe IKMT, me qëllim lirim të funksionit dhe sistemimin e tyre në funksion të komunitetit. Këto ishin disa nga projektet e parashikuara. Në vijim, do të dëgjojmë opinionet, propozimet dhe shqetësimet tuaja, për të ndërtuar së bashku një buxhet të drejtë dhe gjithëpërfshirës për vitin 2026.

**Z. Flamur Habilaj/Banor**, Mbështesim fjalimin tuaj. Zona përreth spitalit ka nevojë urgjente për investime, si dhe rruga "Bilbil Ceno". Te kinemaja duhet të merren masa për heqjen e shtyllës dhe kallëmbave që pengojnë qarkullimin. Gjithashtu, është e nevojshme të vendoset një ure në përrua për të përmirësuar lidhjen dhe qarkullimin në zonë.

**Z. Ermal Dredha**, kemi kryer punimet në rrugën e spitalit, përfshirë ndriçimin dhe vendosjen e kangjullave për të shmangur aksidentet. Sa i përket heqjes së kallëmbave, dua të theksoj se ato janë në pronësi private, prandaj ndërhyrja jonë është e kufizuar në këtë aspekt.

**Z. Edi Cani**, qyteti ka humbur kreativitetin për shkak të mungesës së vendeve që ofrojnë mundësi për zhvillim dhe aktivitete kreative. Është e domosdoshme restaurimi i ish-kallëve të Kuzum Babasë në mënyrë që të jenë funksionale dhe të përdorshme për banorët.

Gjatë bulevardit Vlorë - Skelë kërkoj heqjen e autobuzave të mëdhenj dhe zëvendësimin e tyre me mjete më të vogla për të përmirësuar qarkullimin dhe për të zvogëluar ngarkesën.

Gjithashtu, duhet të bëhet spostimi i topave, pasi nuk çdo projekt është i përsosur dhe duhet të përshtatet sipas nevojave reale të qytetit.

**Znj. Adelina Ibrahim**, është e nevojshme shtrimi dhe asfaltimi i rrugës së shkollës "28 Nëntori", rruga që nis nga shkolla dhe ka dalje në ish-Aluiznin Kuzum Baba. Gjithashtu, duhet pastrimi i kanaleve të jashtme në zonën rrethues të shkollës "28 Nëntori" për të parandaluar përmytjet dhe për të ruajtur higjienën. Është e domosdoshme ndriçimi i rrugëve të brendshme në lagjen "Hajro Cakërri" për të rritur sigurinë e banorëve gjatë natës.

Po ashtu, duhet të krijohet një qendër informimi për turistët, që do të ndihmojë në promovimin e turizmit lokal dhe orientimin më të mirë të vizitorëve. Në fund, kërkohet vendosja në funksion të shatërvanit në Sheshin e Flamurit për të përmirësuar pamjen dhe ambientin në këtë zonë qendrore të qytetit.

**Z. Krenar Cakërri**, si banor, kërkojmë vendosjen e tualeteve publike për të përmirësuar kushtet dhe shërbimet për qytetarët. Gjithashtu, është e nevojshme krijimi i një qendre për lajmërimi për njerëzit që ndërrojnë jetë. Po ashtu, kërkojmë vendosjen e një cange pranë Sahatit të Vlorës për të lehtësuar organizimin dhe shërbimet në atë zonë.

**Qytetar**, kam biznes në lagjen Muradie. Kërkoj pastrimin urgjent të kanaleve, pasi përmytjet nga shirat e fundit po krijojnë shumë probleme për banorët dhe bizneset në zonë.



**Qytetar**, jam banor i lagjes “Hajro Cakëri” dhe dua të theksoj se rruga “Zoto Mahmuti” ka nevojë urgjente për lirim e hapësirave publike, pasi aktualisht nuk mund të kalojnë as ambulanca, zjarrfikësja dhe asnjë mjet tjetër emergjent.

Gjithashtu, kërkoj rregullimin e rrugës “Muharrem Rushiti”, pasi problemet e mbartura prej kohësh ndikojnë negativisht në qarkullimin dhe sigurinë e banorëve.

Ju uroj suksese në realizimin e buxhetit dhe shpresoj që këto çështje të marrin vëmendjen e duhur.

**Qytetar**, jam banor dhe kërkoj shtrimin e disa rrugicave në lagjen “Hajro Cakëri”.

**Z. Ermal Dredha**, ju falenderoj dhe shpresoj të takohemi përsëri në shtator.

**Konceptoi:**

Aurora Kamberaj

*Koordinatorë për Njoftimi dhe Konsultim Publik*